

KERATAN AKHBAR

TARIKH : 15 JULAI 2025

AKHBAR : KOSMO

MUKA : 31

SURAT

Jualan borong, runcit cecah RM154.3 b

KOSMO SELASA 15 JULAI 2025

NIAGA! 31

Jualan borong, runcit cecah RM154.3b

- Rekod pertumbuhan 4.4 peratus
- Transaksi wang elektronik naik kepada RM21.5 bilion

PETALING JAYA – Perdagangan borong dan runcit Malaysia mencatatkan jumlah jualan sebanyak RM154.3 bilion pada Mei lalu, merekodkan pertumbuhan 4.4 peratus tahun ke tahun, menurut laporan Jabatan Perangkaan semalam.

Ketua Perangkawan, Datuk Seri Mohd. Uzir Mahidin berkata, subsektor perdagangan runcit mencatatkan jumlah jualan RM671 bilion, meningkat sebanyak RM3.1 bilion, atau 4.9 peratus tahun ke tahun.

"Subsektor perdagangan borong pula mencatatkan RM68.2 bilion, meningkat sebanyak RM3.1 bilion atau 4.7 peratus tahun ke tahun, menunjukkan kestabilan aktiviti dalam keseluruhan rantaian bekalan," katanya.


Sementara itu, subsektor kenderaan bermotor mencatatkan jualan sebanyak RM10 bilion dengan peningkatan tahun ke tahun sebanyak RM200 juta," katanya dalam satu kenyataan semalam.

Jabatan Perangkaan menambah, seiring dengan pertumbuhan sektor perdagangan, transaksi pembayaran digital di Malaysia mencatatkan peningkatan tahunan kukuh bulan Mei, dengan transaksi wang elektronik melonjak sebanyak 70.2 peratus tahun ke tahun kepada RM21.5 bilion.

Jelasnya, transaksi melalui Real-time Retail Payments Platform berjumlah RM289.4 bilion, menggambarkan permintaan yang semakin meningkat terhadap pembayaran serta-merta, manakala transaksi melalui Financial Process Exchange (FPX) berkembang kepada RM39.2 bilion.

"Transaksi kad kredit pula kekal stabil pada RM18.7 bilion dan transaksi kad debit merekodkan pertumbuhan sebanyak lapan peratus kepada RM14.1 bilion.

"Perkembangan ini mencerminkan perluasan berterusan saluran pembayaran digital, selaras dengan perubahan corak perbelanjaan pengguna dan kemajuan digitalisasi," katanya.



MOHD UZIR

KESTABILAN aktiviti perniagaan dalam keseluruhan rantaian bekalan telah memacu pertumbuhan perdagangan borong bagi tempoh lima bulan tahun ini. – GAMBAR HIASAN